

**KANTON SARAJEVO
MINISTARSTVO KULTURE I SPORTA
JAVNA USTANOVA „MES - MEĐUNARODNI TEATARSKI FESTIVAL -
SCENA MESS“**

UPRAVNI ODBOR

Broj: 02-II-109/24

**ODLUKA O IZMJENI I DOPUNI PRAVILA
JAVNE USTANOVE „MES - MEĐUNARODNI TEATARSKI FESTIVAL - SCENA
MESS“**

Sarajevo, februar 2024. godine

Na osnovu člana 27. stav 1. alineja 1. i člana 38. Zakona o ustanovama („Službene novine Kantona Sarajevo“, broj 6/92, 8/93 i 13/94), članova 16. alineja (1) i 33. alineja b) Pravila Javne ustanove MES – Međunarodni teatarski festival–Scena MESS (broj: 257/16 od 10.05.2016. godine, broj: 02-XII-844/21 od 28.12.2021.godine, broj 02-II-60/23 od 8.2.2023. godine), Upravni odbor Javne ustanove „MES - Međunarodni teatarski festival – Scena MESS“ na sjednici održanoj 14.02.2024. godine, donio je:

**ODLUKU O
IZMJENI I DOPUNI PRAVILA JAVNE USTANOVE
„MES - MEĐUNARODNI TEATARSKI FESTIVAL - SCENA MESS“**

Član 1.

U Pravilima Javne ustanove „MES – Međunarodni teatarski festival – Scena MESS“ (broj: 257/16 od 10.05.2016. godine), broj: 02-XII-844/21 od 28.12.2021. godine, broj 02-II-60/23 od 8.2.2023. godine)

Član 20. stav (2) alineja b. Pravila mijenja se i glasi:

**„Član 20.
(Uslovi za imenovanje direktora)**

b. da ima najmanje šest (6) godina radnog staža u struci nakon sticanja univerzitetske diplome, od čega najmanje tri (3) godine na rukovodnim poslovima uz obavezno radno iskustvo iz oblasti kulture i umjetnosti od najmanje dvije (2) godine nakon sticanja univerzitetske diplome.“

Iza stava (3) dodaje se stav (4) koji glasi:

(Uslovi za imenovanje Direktora)

(4) U cilju primjene odredbi Zakona o imenovanjima i Zakona o sukobu interesa za Direktora ne mogu biti imenovana lica koja su:

a. na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (lice koje na funkciji u političkoj stranci ne može biti konačno imenovano),

b. izabrani zvaničnici, nosioci izvršne funkcije ili savjetnici u smislu odredbi Zakona o sukobu interesa u organima vlasti u FBiH

c. imaju aganžman u privatnom preduzeću u uvjetima u kojima se stvara sukob interesa nespojiv sa javnim funkcijama izabranog dužnosnika, nositelja izvršne funkcije ili savjetnika.“

Član 2.

Ostale odredbe Pravila Javne ustanove ostaju na snazi i neizmijenjene.

Član 3.

Obavezuje se Direktor ustanove da Odluku o izmjeni i dopuni Pravila Javne ustanove dostavi Ministarstvu kulture i sporta Kantona Sarajevo, a koje će na osnovu člana 16.

Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22), istu razmotriti, a zatim je sa popratnim materijalom dostaviti Vladi Kantona Sarajevo koja donosi Odluku o davanju Saglasnosti.

Član 4.


Odluka o izmjeni i dopuni Pravila Javne ustanove „MES – Međunarodni teatarski festival – Scena MESS“ stupit će na snagu danom dobijanja saglasnosti Vlade Kantona Sarajevo i objaviće se u „Službenim novinama Kantona Sarajevo“.

Broj: 02-II-109/24

Sarajevo, 14.2.2024. godine

PREDSJEDNICA

UPRAVNOG ODBORA



Lejla Hodžić

Dostavljeno:

1x Vlada Kantona Sarajevo

1x Ministarstvo kulture i sporta Kantona Sarajevo

1x Oglasna ploča

1x a/a

O b r a z l o ž e n j e:

Pravni osnov za donošenje ove odluke sadržan je u odredbama sljedećih pravnih propisa:


- (1) Član 27. stav 1. alineja 1. Zakona o ustanovama („Službene novine Kantona Sarajevo“, br. 6/92, 8/93 i 13/94) kojim je definisano da Upravni odbor donosi pravila ustanove.
- (2) Član 38. Zakona o ustanovama („Službene novine Kantona Sarajevo“, br. 6/92, 8/93 i 13/94) kojim je propisan sadržaj odredbi Pravila ustanove.
- (3) Članovi 16. alineja (1) i 33. alineja b) Pravila Javne ustanove „MES - Međunarodni teatarski festival - Scena MESS“ (broj: 257/16 od 10.05.2016. godine, broj: 02-XII-844/21 od 28.12.2021.godine i broj 02-II-60/23 od 8.2.2023. godine), a kojim je definisano da Upravni odbor donosi opće akte MES-a, a opći akt MES-a su Pravila ustanove, uz prethodnu saglasnost Vlade Kantona Sarajevo.

Razlozi donošenja:

J.U. „MES - Međunarodni teatarski festival - Scena MESS“ zaprimila je akt Ureda za borbu protiv korupcije i upravljanje kvalitetom u Kantonu Sarajevo (u daljem tekstu: Ured) „Informacija o utvrđenim nepravilnostima i koruptivnim rizicima u resoru Ministarstva kulture i sporta Kantona Sarajevo“.

Uvidom u dostavljeni akt Ureda, dio **USLOVI ZA DIREKTORE, V.D. DIREKTORE IZ RESORA MINISTARSTVA KULTURE I SPORTA KANTONA SARAJEVO vidljivo je da** Pravilima J.U. „MES Međunarodni teatarski festival - Scena MESS“ nisu propisani uslovi koji se odnose na radni staž i uslovi koji se odnose na primjenu Zakona o imenovanjima. Shodno preporukama Ureda, J.U. MES je pokrenula izmjenu pravnih akata kojim su regulisani uslovi za imenovanje direktora i v.d. direktora i u iste uvrstila obavezan radni staž te primjenila Zakon o imenovanjima sa kojim se definiše da lice koje je na funkciji u političkoj stranci ne može biti imenovano za direktora i šta se podrazumijeva pod funkcijom u političkoj stranci.

Upravni odbor razmatrao je prijedlog Odluke, konstatovao je da je isti usklađen s relevantnim zakonskim odredbama, te je donio odluku kao u dispozitivu.



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-27491-18/24
Sarajevo, 09.05.2024. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 10. Odluke o osnivanju Javne ustanove „Međunarodni teatarski festival - Scena MESS“ („Službene novine Kantona Sarajevo“, broj: 3/99 - Prečišćeni tekst, 31/07, 1/13 i 28/14) Vlada Kantona Sarajevo, na 23. sjednici održanoj **09.05.2024.** godine, donijela je

O D L U K U

O DAVANJU SAGLASNOSTI NA ODLUKU O IZMJENI I DOPUNI PRAVILA JAVNE USTANOVE „MEĐUNARODNI TEATARSKI FESTIVAL - SCENA MESS“

I

Daje se saglasnost na Odluku o izmjeni i dopuni Pravila Javne ustanove „Međunarodni teatarski festival - Scena MESS“ broj: 02-II-109/24 od 14.02.2024. godine.

II

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo kulture i sporta Kantona Sarajevo
5. Javna ustanova „Međunarodni teatarski festival - Scena MESS“ (putem Ministarstva kulture i sporta Kantona Sarajevo),
6. Za objavu u „Službenim novinama Kantona Sarajevo“,
7. Evidencija,
8. A r h i v a.

